

## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 170. Polygamia quo jure sit prohibita.

---

[urn:nbn:de:hbz:466:1-73973](#)

# TITULUS IV.

## De Sponsa duorum.

*Quæst. 169. An & que pluralitas obstat Sponsalibus tam de futuro, quam de præsente seu matrimonio.*

1. **R**esp. primò: Sponsalia de futuro celebrari cum pluribus pro eodem tempore simul subsistentia, seu haberi simul plures Sponsos aut Sponsas de futuro non posse, vel ex eo patet, quod cum pluribus Sponsalia de præsente seu matrimonio, ubi per Sponsalia de futuro promittitur singulis, celebrari nequeant; quare vel Sponsalia prius contracta per posteriora dissolvi (quod quando & qualiter fieri, vide *quæst. preced. 60.*) vel posteriora nulla esse necesse est.

2. Resp. secundò: Unitati matrimonii non obstat, quod dissoluto prioris matrimonii per morrem vinculo, alter seu superficies aliud ineat; quia & hoc est contractus unius cum una, verumque de eo dicitur *Genes. 2. erunt duo in carne una.* Bellarm. l. 3. de mat. c. 9. Sanch. l. 7. d. 81. Castrop. d. 3. p. 1. num. 1. cum communī; licetunque fuisse semper tam in lege veteri quam nova procedere hac ratione ad secundum, tertium, quartum ac sic deinceps matrimonium, constat ex omnium gentium consuetudine, & ex illo. *ad Cor. 7. mulier alligata est legi, quamdiu tempore vir eius vivit, quod si dormierit vir eius, liberata est, & cui vult, nubat.*

3. Resp. tertìo: Solū igitur unitati matrimonii obstat polygamia, hoc est, dum vir unus simul habet plures uxores, vel una mulier plures viros.

*Quæst. 170. Polygamia quo jure sit prohibita.*

1. **R**esp. primò: Polygamiam seu unum vi- rum habere simul plures uxores à lege divina prohibitum esse, est de fide definitum in Trident. *sess. 24. c. 2. ubi: si quis dixerit, licere Christianis simul habere plures uxores, & hoc nulla lege divina prohibitum, anathema sit.* Ac ita Christus *Matt. 19.* decidit, adulteruni esse, qui dimissa prima uxore aliam duxerit; sed non est adulteri, si una uxore vivente, & non soluto matrimonio cum illa posset ducere plures uxores. Porro hæc lex divina promulgata *Genes. 2. eorum duo in carne una* (dum enim vir unus habet uxores plures eodem tempore, jam non sunt duo, sed potius unus in plures carnes dividitur, ut *Innoc. III. in c. gaudemus, de divorcio.*) statim ab initio mundi obligavit, ut constat ex illis Christi. *l. c. ab initio autem non fuit sic.* Unde jam etiam Papa in polygamia ex nulla causa dispensare potest; cum potestas illa ei à Christo concessa non sit, nec ulla hujus concessionis congruentia appearat, ut inquit Castrop. *l. c. n. 5.*

2. Resp. Tametsi sint, qui cum Abulens, *l. Reg. c. 8. q. 25. Durand. in 3. diff. 33. q. 1. R. P. Leur. Jur. Can. Tomus IV.*

Cajet. c. 16. in *Genes.* (quibus Castrop. num. 4. ait favere S. August. l. 16. de civit. Dei c. 38.) lege divinā solūm positiva, non naturali prohiberi pluralitatē uxorum, communior tamen, quam sequuntur Sanch. l. 7. d. 80. à num. 12. Bellarm. l. 1. de mat. c. 11. Pont. l. 7. c. 46. à num. 2. Laym. l. 5. tr. 10. p. 3. c. 6. q. 2. Gutt. de mat. c. 106. num. 3. Castrop. cit. n. 4. habet, prohiberi eam etiam lege naturali; cō quod gravissima inde mala oriuntur; siquidem pluralitas uxorum fover libidinem, proliis generationem minut, concupiscentiæ uxoris non satis constituit; cum vir divitus in plures alias non sit sat potens reddere singulis debitum. Rixas & discordias inter uxores excitat, & qualitatem contractū matrimonialis tollit, dum quilibet uxor se integrè tradit viro, fecus vir; cū in plures dividatur.

*Quæst. 171. An in polygamia dispensari debet Deus, & qualiter, si jure naturae illicita, dispensare potuerit, & quando hæc dispensatio cessaverit.*

1. **R**esp. ad primum: Dispensavit Deus in hac lege cum populo Israëlitico, ut supponitur *Deuteronom. 31.* & colligitur ab exemplo Isaci, Jacobi, Davidis, aliorumque sanctissimorum Patriarcharum, qui plures habuerunt uxores, quod unique non fecissent, si fuerint contra legem divinam, ut *D. Hieron. in epist. ad Ocean.* & *S. August. l. 3. de doctrin. Christi. c. 12.* Non vero dispensavit in hoc Deus cum gentilibus; sed hi, quia licet sibi esse cedebant exemplo populi Israëlitici plures quoque accipiebant, ut colligitur ex *c. 26. & 28. Gen.* & notavit *S. Aug. l. 16. de civit. Dei. c. 38. Castrop. l. c. num. 3. Sanch. d. 80. num. 11.* Porro ex his uxoriis quedam dicebantur concubinæ, non quia uxores non erant; sed quia tantum ad proliis generationem assumptæ; illa vero xbor dicebatur, quæ & insuper assumpta ad familiæ gubernationem tanquam mater familias; sed neque earum filii heredes paternorum honorum esse poterant, manebantque ancillæ etiam post nuptias, admisæ tamen in legitimam tori societatem. Laym. *l. c. num. 8. Pith. de Spons. & matrim. n. 129. Menoch. in c. 25. Gen. v. 6.*

2. Resp. ad secundum: Potuit autem in hac lege naturali dispensare Deus ob finem honestissimum, nimirum ob favorem populi Israëlitici, ut is, qui exiguis erat, multiplicaretur, & de quo ipse nasciturus; quia dum penes ipsum est dominium corporum nostrorum, potuit usum illorum in matrimonio hoc vel illo modo concedere; adeoque postquam semel concessit potestatem illorum in ordine ad generationem non nisi medio conjugio unius cum una ob dicta incommoda, poterat nihilominus dein permittere, ut vir se dimidiaret cuilibet uxori tradire.